



OPĆINSKI NAČELNIK

Broj: 01/2-30-1614/23
Ilijaš, 01. 06. 2023. godine

Na osnovu člana 107. Statuta Općine Ilijaš, prečišćeni tekst ("Službene novine Kantona Sarajevo", br. 20/09 i 46/18), a u vezi sa Odlukom o visini naknade za rad članovima Općinske izborne komisije Ilijaš ("Službene novine Kantona Sarajevo", broj 11/23), Općinski načelnik donosi

RJEŠENJE

I

1. Državna službenica Aida Čutura-Marić, Stručni savjetnik za poslove općinskog vijeća i poslove općinskog načelnika u Službi općinskog vijeća i općinskog načelnika Općine Ilijaš, imenuje se za Sekretara Općinske izborne komisije Ilijaš.
2. Imenovana će obavljati administrativno-tehničke poslove utvrđene Poslovníkom o radu Općinske izborne komisije.
3. Imenovanoj pripada mjesečna naknada u iznosu od 50% naknade koju ima član Općinske izborne komisije Ilijaš, počevši od juna 2023. godine. Odluku o visini naknade za članove Općinske izborne komisije Ilijaš donosi Općinsko vijeće svake godine.
4. Poslove iz tačke 2. imenovana će obavljati u toku radnog vremena Jedinštvénog općinskog organa uprave, te izuzetno van radnog vremena zbog sjednica Općinske izborne komisije i obavljanja neodložnih poslova Općinske izborne komisije.
5. Imenovana se imenuje na poziciju Sekretara Općinske izborne komisije Ilijaš na mandat od 7 godina.

II

Općinski načelnik Općine Ilijaš je saglasan da obezbijedi sve uslove neophodne za rad Sekretara Općinske izborne komisije Ilijaš, kao što su prostor i oprema, te oslobađanje od tekućih aktivnosti, kad je to nužno, kao i da pruži svaki drugi vid podrške radu Općinske izborne komisije.

Svi uposlenici u Općini Ilijaš dužni su da pruže svu pomoć i informacije potrebne za Sekretara i Općinsku izbornu komisiju.

III

Ovo Rješenje stupa na snagu danom donošenja, a objavit će se na oglasnoj ploči i web stranici Općine Ilijaš.

Obrazloženje

Općinska izborna komisija Ilijaš je, na osnovu člana 2.12 stav 1. Izbornog zakona Bosne i Hercegovine ("Službeni glasnik Bosne i Hercegovine", br. 23/01, 7/02, 9/02, 20/02, 25/02-

ispr., 4/04, 20/04, 25/05, 77/05, 11/06, 24/06, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 2. Uputstva o načinu rada i izvještavanju izborne komisije osnovne izborne jedinice u Bosni i Hercegovini broj 05-1-02-2-622-1/22 od 04. 05. 2022. godine, člana 16. Poslovnika o radu izborne komisije osnovne izborne jedinice 118 - Ilijaš Općinske izborne komisije Ilijaš broj 01/1-05-6/16 od 15. 06. 2016. godine, i člana 1. Odluke o izmjeni Poslovnika o radu izborne komisije osnovne izborne jedinice 118-Ilijaš Općinske izborne komisije Ilijaš broj 01/1-02-54/23OIK od 25. 05. 2023. godine, donijela Zaključak kojim zahtijevaju od Općinskog načelnika da se imenuje osoba za obavljanje administrativno-tehničkih poslova Općinske izborne komisije Ilijaš, kao i da se obezbijede adekvatna materijalno-tehnička sredstva za rad Općinske izborne komisije Ilijaš. Općinskom načelniku upućen akt broj 01/1-02-SI/23 od 01. 06. 2023. godine.

Imajući u vidu obim poslova koji se očekuje od Općinske izborne komisije, a cijeneći posebno iskustvo i znanje koje imenovana posjeduje u normativno-pravnim i administrativno-tehničkim poslovima, koje obavlja za Općinsko vijeće Ilijaš, uz saglasnost imenovane, odlučeno je kao u dispozitivu.

Dostaviti:

1. Imenovanoj
2. Oglasna ploča
3. Web stranica Općine Ilijaš
4. Služba za privredu i finansije
5. Dosje državnog službenika
6. a/a



Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
e-mail info@ilijas.ba
Broj certifikata:HROO8740

